

20190523 **Monggó**  
Viktor Nonong Medrano

Nitóng mga hulíng araw, iniisip ko ang *monggó* (*mung bean*). Noóng nasa Pilipinas akó nang dekadang 1970, sa elementaryong eskuwelaháng La Salle Green Hills, mabuting pinag-aralan namin ang aghám tungkól sa halamang itó. Nagpasiból kami ng mga monggó.

Nanoód akó ng *Flash Gordon*, mga *vintage* o klásikong siyénsiyang piksiyón, at doón ay may Emperadór Ming *the Merciless* ng Planetang *Mongo*. May mga bidyo akó ng *Flash Gordon* nang dekadang 1930.

Masaráp ang hopyang monggó. Ang hopya o *hopia* ay galing sa Hokkien 好餅 (*hó-piá<sup>n</sup>*, “*good pastry*”).

Masaráp din ang monggó sa haluhalò.

Naiisip ko rin si Helena Mung na *partner* ko sa *Home Economics* sa hayskul sa Isla Lulu sa Canada nang dekadang 1980. Naglutò kami sa klase.

Naiisip ko rin ang salitáng *Mongoloid* dahil sa *monggó*. Subespesye ng katauhan ang *Mongoloid*, katulad ng *Caucasoid*, *Negroid*, at *Australoid*. Sa isip ko, may lahi akó sa lahat ng mga itóng subespesye. Sa Brasil, *Pardo* ang tawag sa kayumangging taong haluhalò ang henétiko. Sa palagáy ko, maraming Pilipino ay katulad ko sa lahi. Nasa Canada akó ngayón, at nagtataká ang mga tao.



La Salle Green Hills (Metro Manila)



Monggó



*Flash Gordon*



Hopyang Ube at Monggó